



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr.238/2019

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Adnan Konushevci kryesues, Ferki Xhaferi dhe Faton Ademi anëtarë, me pjesëmarrjen e zyrtares ligjore Vlerona Maliqi, duke vendosur përkitazi me ankesën e Organizatës Joqeveritare BIRN dhe Internews Kosova, me seli në Prishtinë, paraqitur kundër subjektit politik Lëvizja Vetëvendosje, me seli në Prishtinë, për shkak të thyerjes së heshtjes zgjedhore, për Zgjedhjet e Parakohshme për Kuvendin e Republikës së Kosovës të datës 06.10.2019, në seancën e panelit të mbajtur më datë.06.10.2019, mori këtë:

V E N D I M

Pranohen të bazuara ankesat e evidentuara si: Anr.238/2019, Anr. 241/2019, Anr.246/2019, Anr.249/2019, Anr.252/2019, Anr.256/2019, Anr.259/2019, Anr.260/2019, Anr.265/2019, Anr.268/2019, dhe Anr.277/2019, të gjitha të datës 05.10.2019, të paraqitura nga Organizata Joqeveritare BIRN dhe Internews Kosova, me seli në Prishtinë, dhe subjektit politik, Lëvizja Vetëvendosje (LVV), me seli në Prishtinë, i shqiptohet gjobë, në lartësi prej 4.100.00 (katër mijë e njëqind) euro, për shkak të vazhdimit të sponsorimit të fushatës zgjedhore në rrjetin social “Facebook”, edhe në ditën e heshtjes zgjedhore, të cilën shumë, subjekti politik detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënim të përmbarrimit.

A r s y e t i m

Me datë 05.10.2019, PZAP-i ka pranuar ankesat Anr.238/2019, Anr.241/2019, Anr.246/2019, Anr.249/2019, Anr.252/2019, Anr.256/2019, Anr.259/2019, Anr.260/2019, Anr.265/2019, Anr.268/2019, dhe Anr.277/2019, nga Organizata Joqeveritare BIRN dhe Internews Kosova, me seli në Prishtinë, paraqitur kundër subjektit politik Lëvizja Vetëvendosje, me seli në Prishtinë, në të cilat pretendon se përmes Facebook Ad Library, në llogarinë zyrtare në facebook të subjektit politik LVV dhe në llogaritë zyrtare në facebook të kandidatëve për deputet nga radhët e këtij subjekti politik, respektivisht në llogarinë e kandidatëve: Mentor Hyseni, Taulant Kryeziu, Fjolla Ujkani, Gazmend Gjyshinca, Artan Abrashi, Qemajl Aliu, Valon Ramadani, Agron Avdijaj, dhe Labinotë Demi Murtezi, është bërë fushatë në rrjetin social Facebok në ditën e heshtjes zgjedhore. Me këtë rast paraqitësi i ankesës thekson se është bërë shkelje e Ligjit për Zgjedhjet e Përgjithshme, Rregullave Zgjedhore dhe Kodit të Mirësjelljes. Parashtruesi i ankesave si provë ka bashkangjitur fotografi të printuara në cilësi të provave materiale.

PZAP-i, më datë 05.10.2019, konform nenit 7 par.1 të Rregullave dhe Procedurave të PZAP-it, njoftoi subjektin politik LVV, për ankesat e paraqitura, duke i dhënë kohë për përgjigje

deri më datë 06.10.2019 në ora 10:00, por deri në këtë kohë PZAP-i, nuk pranoi ndonjë përgjigje nga ana e tyre.

Paneli, pasi që shqyrtoj ankesat vlerësoi se:

Ankesat janë të bazuara

Paneli paraprakisht ka vlerësuar se ankesat: Anr.238/2019, Anr. 241/2019, Anr.246/2019, Anr.249/2019, Anr.252/2019, Anr.256/2019, Anr.259/2019, Anr.260/2019, Anr.265/2019, Anr.268/2019, dhe Anr.277/2019, të gjitha të datës 05.10.2019, janë për nga përmbajtja të njëjta, për nga natyra e shkeljes së pretenduar janë të njëjta, paraqitës i të gjitha ankesave është Organizata Joqeveritare BIRN dhe Internews Kosova, me seli në Prishtinë, dhe poashtu të njëjtat janë paraqitur kundër subjektit të njëjtë politik, respektivisht Lëvizjes Vetëvendosje (LVV), me seli në Prishtinë, prandaj Paneli bazuar në nenin 8 paragrafi 3 të Rregullave dhe Procedurave Nr.02/2015, të PZAP-it, në të cilën përcaktohet se: *“Me qëllim të lehtësimin të shqyrtimit të ankesave kryesuesi i panelit vendimmarrës mund të vendos ta bëjë bashkimin e ankesave që përmbajnë në vete çështje të ngjashme dhe se ato ankesa të trajtohen me një vendim”*, andaj Paneli bëri bashkimin e ankesave dhe për të njëjtat vendosi me një vendim, si në dispozitiv të këtij vendimi.

Paneli, konform dispozitës në nenin 8 par. 5 të Rregullave dhe Procedurave të PZAP-it, ndërmori hetim lidhur me pretendimet e paraqitësit të ankesës, dhe gjeti se të njëjtat janë të bazuara, për faktin se në llogaritë e Facebook-ut të lartëcekura, ashtu siç pretendon paraqitësi i ankesës, në ditën e heshtjes zgjedhore dhe në ditën e votimit janë hasur reklama politike aktive, të cilat promovojnë subjektin politik Lëvizja Vetëvendosje (LVV), dhe kandidatët për deputet nga radhët e këtij subjekti politik, ku me këtë veprim kanë bërë thyerjen e heshtjes zgjedhore.

Andaj PZAP-i, duke marr parasysh këtë, si dhe në mbështetje të dispozitave ligjore të LZP-së, konstaton se subjekti politik Lëvizja Vetëvendosje, me seli në Prishtinë, është përgjegjëse për veprimet e saja, pasi që me veprimet e lartëcekura ka shkelur nenin 36 paragrafi 1 pika b) të LZP-së, që përcakton veprimet e ndaluara para procesit të votimit ku thuhet se 24 orë para hapjes së Qendrave të Votimit për hedhjen e votës, deri në mbylljen e tyre, subjekteve politike, mbështetësve ose kandidatëve të tyre u ndalohet bërja e fushatës në çfarëdo mënyre.

Paneli mbi bazën e të dhënave të lartëcekura e në mbështetje të nenit 120.1 pika c) dhe nenit 118.1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtresa

Anr.238/2019 më datë 06.10.2019

Kryesues i Panelit

Adnan Konushevc



Këshillë juridike: Kundër këtij vendimi nuk lejohet ankesa konform nenit 118.4 të LZP-së.